



Jariminao Gwmanai San



Amazing Facts
Study Guide

7



Nwngw mitigou je Baibelao mwnse jebwt gwnangtar san dong jaikou prai safrwmbw mansifwra baogarbai? Somki nangnaini batra je ese lo mansifra beni bisoi mitigou, manwna be mansifwrni jariminao boini kruiw wngtigwnang san! Be thangnai somfwrao lo nonga , natai jwngni somao dabw arw fwigou somfwraobw wngtigwnang. Beni ongawibw, be neusigarnai sana nwngtangni jiuni takwi gwhwm gwnang fitai janw hagou. Jariminao be gwmanai sanni bisoi swmwnangtao tarbatrakou mitinw takwi najadwng na? Obla be Study Guidekou jwtnw lakina forailangdw.

1

Ma sanao Jisua gaoni huda badi kulumwmwn?

“Jisua Nasaret-ao tahngfaingdwng, bi nwgwraonw biw derdwngmwn. Beao biw gaoni huda badi Sabbatni sanao gwtar Sastwr forainw takwi kulumgra noao gosongbai” (Lukas 4:16).

Finnai: Sabbat sanao Jisua gaoni huda badi kulumwmwn.



2

Natai ma sana jariminao gwmananwi dong?

“Antai snini dina nwngni Fwrbu Iswrni lagwi Sabbatni din” (Ongkarlangnai 20:10). “Sabbatni san jwpmarnw ... Arw haptani se-ti sanao, be jabai, deobarao bere funjani biswrw gwtwi dondoraohahngdwng” (Markus 16:1, 2).

Finnai: Finnaikou mwnnw takwi ese naigirna dihunnaini kamani maonw gwnang dong. Gwbang mansifra fwtaiw je Sabbat-a sopthani gibi san, Deobar, natai Baibela fwrmaiww je nongubwitarao Sabbat-a sopthani gibi sanni sigang fwinai din. Sastwrni baidibla, Sabbatni dina sopthani snini din – biw jabai Sunibardin.



3

Sabbat-a bohanifrai fwikw?

"Jagaijennai Iswra nokrang ar firtimikou swrjidwngmwn ... Snini dinao Iswra gaoni gaswi kamanikou fwjwpdwng, ar biw gaoni kamanikou maojwpanwi snini dinao jiraidwng. Ar Iswra snini dinkou bwr hwnanwi gwtar kalambai, manwna bi dinao Iswra gaoni gaswi swrjinai ar danai kamani maninifrai jiraidwng"
(Jagaijennai 1:1; 2:2, 3).

Finnai: Iswra Sabbatkou swrjinaini somaonw fosongdwng, jebba Biw songsarkou swrjidwngmwn. Biw Sabbatni dinao jiraidwng arw bwr hwdwng arw gwtar kalamdwng – be jabai, bi dinkou gwtar kamanini takwi alada kalambai.


4

Ji Hukumfwrao Sabbatni bisoi Iswra ma bungdwng?

"Nwngw Sabbatni dinkou gwtarwi lakinw takwi gwswkangfloidw. Kamani maonw takwi do dinfwr hwkabai, antai snini dina nwngni Fwrbu Iswrni lagwi Sabbatni din, bi dinao nwng ar nwngni bicajla, bicajw, golam, bandijw, mwsou-mwsafwr eba gubun hadorni nwngni hadorao tafwinaifwr, gaswibw kamani damaotwng. Manwna do dinfwrao ang Fwrba nokrang, firtimi, sagwr ar biao ni dongnaimanikou swrjidwng, ar snini dinao jiraidwng, binikainw ang Fwrba Sabbatni dinkou gwtar kalambai"
(Ongkarlangnai 20:8-11). **"Be somao Fwrbu Iswra ontai tafa tainwiao gaoni asijwng limaikou angnw gotaidwng"** (Huda Bijap 9:10).

Finnai: Ji Hukumfwrni gejeraw brwiti hukumao Iswra bungdwng je jwng

Bini gwtar sniti Sabbat sankou falinangou. Iswra mitigoumwn je mansifra Bini Sabbat sankou baogargwn hwnnanwi, bini kainw Biw be hukumkou "gwswkangfloidw" swdwbti jwng be hukumkou jagaijendwng.



5

Natai Ji Hukumfwa swlajjabai na?

Ongkarlangnai 20:1 ao bungdwng, “Iswra rajlaidwng; rajlainai batrafra benw: ... [Ji Hukumfwa 2-17 sirifwrao hwnai dong], “Manwna angw gaoni rodai kanaikou sifainai nonga, arw angni kouganifrai ongkarnai batrakou swlainai nonga” (**Gitfor 89:34**). “Natai Ayenni bindu mwne gwmanaini krui nokrang arw buhumni gwmanaia altuasini” (**Lukas 16:17**).

Finnai: Nonga, be nongubwigou! Je Iswrni Akuni Ayena swlajjanw hatara. Gaswibw Ji Hukumfwa dinwibw swlibaithadwng. Jwrwi dain hukumfwa swlajjayakwi, bi baidinw brwiti hukumabw swlajjayakwi.


6

Twñhorjanaifra snini Sabbatkou falidwngmwn na?

“Paula gaoni huda badi bi kulumgra noao haphwidwng. Biao biw mansifwrjwng Sabbat kontam Gwtar Sastwnifrai sanjlaidwng” (**Tonhorjanai 17:2**). “Bini unao Paul arw bini lwgwfra ... Sabbatni sanao kulumgra noao hapnanwi jiraihwidwng”

(**Tonhorjanai 13:13, 14**). “Sabbatni dinao jwngw nwgwrnifrai ongkarlangnanwi konse dwima jingao tahngdwng, biao Judaifarwri aras kalamgra jaiga dong hwnnanwi jwngw swngdwng mwn, arw jwngw biao jirainanwi jo janai hinjaofwrjwng rajlaidwng” (**Tonhorjanai 16:13**). “Konfrwmbw Sabbat-ao Paula Judaifarwri kulumgra noao haphwinanwi Jisuni batrafwrkou sanjlaidwng, arw Judaiaari arw Grikfwrkou Jisuni tingwi labwnw najadwng” (**Tonhorjanai 18:4**).

Finnai: Nongou. Twñhorjanai bijaba rwkha kalamw je Paul arw gibi Kristianfra Sabbatkou faliwmwn.





7

Gubun jatifrabw snini Sabbat sankou faliwmwn nama?

“Sabais, jai mansia bekou maow, ar jai mansia beao gwgwmwi tayw, jaia kalai kalama jase Sabbatkou faliw, ar jaia mungbw gajri maonaiao akai hwa. Ar fordesi frabw jaia Fwrbukou seba kalamw, bikou hamjanw ar bini golam janw takwi Fwrbuniaio nangktapbai, be jabai jaia Sabbatkou kalai kalamajase faliw, ar bini rodai kanaikou homtabai tayw, biswrkou angw gaoni gwtar hajwao labwgwn ar angkou aras kalamgra noao rongjahwgwn ... angni noa raiot manini lagwi aras kalamnaini no mungkojagwn”

(Jesaia 56:2, 6, 7). Twnhorjanaifra Sabbatni bisoi gubunfwrnw fwrwngwmwn: “Jebia Paul arw Barnabas-a Judaiairi kulumgra nonifrai ongarw, obla mansifra biswrkou kaolainanwi hwn dwng, befwrw fwigwn Sabbatni sanao kwtabaojatwng ... Unni Sabbatni sanao nwgwni bangsin mansifranw Fwrbuni batrakou kwnasongnw jo jafwibai” (Tonhorjanai 13:42, 44) “Konfrwmbw Sabbat-ao Paula Judaiairifwrni kulumgra noao haphwinanwi Jisuni batrafwrkou sanjlaidwng, arw Judaiairi arw Grikfwrkou Jisuni tingwi labwnw najadwng” (Tonhorjanai 18:4).

Finnai: Twnhorjanai arw gibi Kristianfra Iswrni Sabbat hukmkou faliwmwn lo nonga, biswrw gubun jatifwrnwbw Sabbatni bisoi fwrwngwmwn jafra gws wlaibaimwn.

Finnai: Nonga. Sastwrao jeraobw jebw foramorso gwia je Jisu, Bini Bifa Iswr, eba Twnhorjanaifwra mablabbaw, mobeba somao, jaikia jataifwrao gwtar sni-ni Sabbat sankou gubun dinfwrao swlaitarakwi. Be nongou je Baibela bini ultasw fwrwngw. Be fwrmarkou nwnwng gaonw nailangdw:




A. Iswra Sabbatkou bwr hwdwng. “Fwrbua sabbat dinkou bwr hwnanwi gwtar kalambai” (**Ongkarlangnai 20:11**). “Ar Iswra snini dinkou bwr hwnanwi gwtar kalambai” (**Jagaijennai 2:3**).

B. Jebba Jerusalema AD 70 ao gaglwb jadwng bisomaobw Jisua gaoni mansifwrjwng Sabbat sankou falijanw lubwidwngmwn. Jerusalema AD 70 ao gaglwb janaikou mwjangwi mitinanwi, Jisua gaoni bi somni selafwrkou saboda kalamdwngmwn, biw bungdwng, “Iswrniao aras gapdw, bebadia gwjang bwtwr eba Sabbatni sanao dajatwng!” (**Matai 24:20**). Twinainifrai tangkangfinaini 40 bwsr unaobw Jisua rwkha kalamdwng je Bini mansifra Sabbat sankou oraibw falibai thagwn.

C. Jai hinjaofra Jisukou tao funnw fwidwngmwn biswrw Sabbat sankou falidwngmwn. Jisua “Sabbat sanni sigangni sannao” twidwngmwn. (**Markus 15:37, 42**), je dinkou gole gole “Good Friday” bungnai jayw. Jai hinjaofra Jisuni un un tahngdwngmwn biswrw Jisuni mwdwmao funnw mwdwmnai mosla arw taofwr tam tim kalamhwdwng. Judaiairini “Ayen badi biswrw Sabbatni sanao jiraibai” (**Lukas 23:55, 56**). “Jebba Sabbatni san jwpmarnw” (**Markus 16:1**) hinjaofra “haptani se-ti sanao, be jabai deobarao” (**Markus 16:2**) biswrw dukuni kamanikou maonw fwidwngmwn. Natai “Jisua deobarkali funjani tangkangnaikou” nunw mwnhwibai. (**Markus 16:9**), bekou boibw “Easter Sunday” bungw. Bekou gwswo mwjangwi laki je gwtar Sabbat sana “Easter Sunday” Jisu tangkangnai sanni sigangni dianao jayw, jaikou jwng Sunibar din bungw.

D. Twnhorjanai bijabni lirurgi Lukas-a, Kulumgra sankou swlainaini jebw fwrman hwakwi. Baibelao Sabbatkou swlainaini jebw fwrman gwia. Lukas-a Twnhorjanai bijabao bungdwng, je biw Gaham Radab (Lukas ni bijabao) Jisuni “gaswibw” fwrwngnaifwrkou fwrmaidwng (**Tonhorjanai 1:1-3**). Natai biw Sabbatni sankou swlainaini swmwndwi mablabbaw lirakwi.



9

Makase mansifra bungw je Sabbatkou Iswrni gwdan firtimiao falinai jagwn. Nongou nama?

“Manwna ang swrjinai gwdan nokrang ar gwdan firtimia angni mwkgangao oraibw tanaini soman, nwngni jwlwi ar nwngni namabw tagwn, ‘Fwrbua hwnkabai. Arw Fwrbua hwnbai, Gwdan okafwr danfrwmbw ar mwnfrwmbw Sabbatni dinao gaswi mansifra angni mwkgangao kulumnw fwigwn” (Jesaia 66:22, 23).

Finnai: Nongou. Baibela bungw gaswibw jugni basaijanai subungfra gwdan firtimiao Sabbat sankou manigwn.



10

Natai Deobara Fwrbuni din nongalai?

“Fwrbuni gwtar dinkou manijatao tao hwnnanwi bung” (Jesaia 58:13). “Manwna Man Snini Bica houaya Sabbatni bigba” (Matai 12:8).

Finnai: Baibela **Nujahojanai 1:10** ao “Fwrbuni din” ni swmwndwi bungw, obla Fwrbuni takwi sanse bises din dong. Natai mwnsebw Baibelni bwswna Fwrbuni dinkou Deobar din hwnnakwi. Bobekani, Baibela rwkhaywi Snini Sabbat dinkou Fwrbuni din hwnnanwi bungw. Mwnse lo dinkou Fwrbua gaoni bwr hwnai din hwnnanwi bungw, be jabai Snini Sabbat san.



11

Jisuni tangkangfinnai sankou sonman hwnw takwi jwng Deobarkou gwtar lakinanga nama?

"Nongtargouwi nwngrwrw bekou mitigou: Jwngw Kristo Jisujwng kouseao baptisma labaibla, jwngw bijwng twifakabai. Jwngw baptismajwng bini twinaikou bahagw lafanw bijwng fopfakajabai, Kristoa jwrwi Bifani gedert bwlwjwng twinainifrai tangkangfinbai, bebadinw jwngbw gw dan jiuni lamakou mwnbai. Kristojwng twifananwi jwrwi jwngw jwngni bimainw fap maonw hastainaikou songhar kalamnw takwi jwngni gwjam dehaia Kristojwng lwgwse krusao dwktapfajabai, obla da jwngw fapni golam nongbaolia" (Romari 6:3-6).



Gaoni tangkangfinnaikou man hwnaini takwi Jisua baptismaikou fosongdwng – Deobarkou dwnnw nonga.

Finnai: Nonga! Deobarkou gwtar dwnnanwi tangkangfinnaikou man hwnw takwi eba gubun mabafwr jahwnni takwibw, Baibela mablabbw foramorso hwa. Jwng Bini rwkha hukumfwrkou falinanwi Kristokou man hwyw (Johon 14:15) – Bini oraisomni ayenni ongawi mansi danai hudafwrkou falinanwi nonga.

12

Mwjang, obla Deobar sanao kulumnaia Baibelao gwiabla, swrni santhai mwn bilai?



"Biyw ... somfwr ar ayen kanunfwrkou swlainw hastaigwn" (Daniel 7:25). **"Bebadi maonaijwng nwngrwrw gaoswrni hudakou falinanwi Iswrni hukumkou sifaiv ... Biswrw angkou kulumnaia nongkai bakaisw; biswrw jekou fwrwngw, befwrw mansini sujunai hudafwrsw"** (Matai 15:6, 9). **"Bi nwgwrni dourifra angni rodai kanaikou bra bra barsibai ar angni gwtar mungafwrkou sua kalambai, biswrw gwtar ar badua, jebw gubun dwnakwi, ar gwtar ar kalai mabrwi gubun gubun bekou mansifwrmw fwrwngakwi, ar angni Sabbatkou biswrw faliakwi, biswrni nunaiao angw badua jabai ... Fwrba raitiakwi blabw biswrw bungw, Fwrba Iswra bebad i hwngdwng hwnnanwi"** (Esekiel 22:26, 28).


Finnai: Prai 300 bwsr Jisu tangkangfinnaini unao, lhudi mansifwrkou mugwinaini makase jahwnni takwi, gwrwntiwi dwiden janai mansifa Iswrni gwtar kulumgra dinkou Sunibarnifrai Deobarao swlai swlo kalamnw poramorso hwdwngmwn. Iswra be jataikou sigangnw bungrwkadwngmwn arw bi bungnai batraya jafungmarbai. Bi gwrwntia nongou badi jananwi firi firiw sondeho kalama lasenw barwbai tahdwng. Theubw, Deobar kulumnai sana wrwinw mansijwng dajanai huda arw biw Iswrni ayenkou sifaiv, biw Sabbatkou maninw hukum hwyw. Iswr lo din kou gwtar kalamnw hayw. Iswra Sabbatkou bwr hwdwng, arw jebla Iswra bwr hwyw, obla raobw mansia bikou "ulta kalamnw haya" (Bican Bijap 23:20).

13

Natai Iswrni Ayenkou swlainw najanaia gilubalu nonga nama?

“Angni be hukumfwrao mwnebw hwdernw eba binifrai mwnebw bwkanw nanga” (Huda Bijap 4:2). “Iswrni gaswibw raofra gurgonai arw dahal badi ... Bini raofwrao hwdernw nanga, biw nwngekou raigwn, ar nwnge je swlwigra beku biw dintigwn” (Boson Bijap 30:5, 6).

Finnai: Iswra Gaoni Ayenkou hwdernanwi eba bwkarnanwi swlainw mansifwrouk bada hwdwng. Iswrni Ayenkou swlainaia boini krui gilubalu manSnini kamani, manwna Iswrni ayena abung arw jwngekou gajrinifrai rwikha kalamnaini takwi mohor hwnai jadwng.



14

Iswra Sabbatkou manw banaidwng?

A. Swrjinaini nerswn. “Nwnge Sabbatni dinkou gwtarwi lakinw takwi gwswkangflaidw. Kamani maonw takwi do dinfwr hwkabai, antai snini dina nwngei Fwrbu Iswrni lagwi Sabbatni din, bi dinao nwnge ar nwngei bicajla, bicajw, golam, bandijw, mwsou-mwsafwr eba gubun hadorni nwngei hadoraofawinaifwr, gaswibw kamani damaotwng. Manwna do dinfwrao ang Fwrba nokrang, firtimi, sagwr ar biaoni dongnaimanikou swrjidwng, ar snini dinao jiraidwng, binikainw ang Fwrba Sabbatni dinkou gwtar kalambai” **(Ongkarlangnai 20:8-11).**

B. Basai janaini arw gwtar janaini nerswn. “Angw, angnw biswrouk fwtargra Fwrba hwnnanwi biswruw mitijase angni ar biswri gejerio sin badi angni Sabbatfwrkou biswruw hwbai” **(Esekiel 20:12).**

Finnai: Iswra mwnnwi nerswni takwi Sabbatkou hwdwng: (1) Sabbat-a mwne nerswn je Iswra do rwkha dinfwrao songsarkou swrjidwng, arw (2) Bebw mwne nerswn je Sabbat-a Iswrni jebwt bwlwni gejerjwng mansifwrouk basainai arw gwtar kalamnai. Be Kristianfwrni takwi mwne wrwinw gwsu kusijwng onnangou je Snini Sabbat-a Iswrni swmwnangtao swrjinaini arw basainai nerswn **(Ongkarlangnai 31:13, 16, 17; Esekiel 20:20)**. Iswrni Sabbatkou sifainaia mwne mangwiyini batra. **Jesaia 58:13, 14** ao Iswra bungdwng je jaira bwr hwjagwn, biswruw Bini gwtar dinkou sifainw nanga.



15

Sabbatkou gwtar dwnnaia besegrapsin gwnangtar?

“Fap-a ayen gwiyi [ayen sifainai]” (1 Johon 3:4). “Fapni fitaia twinai” (Romari 6:23).

“Swrbaya Ayenni bobeba mwnseao sifaibla, biw gaswi Ayenkou barsinai jagwn”

(Jakob 2:10). “Kristo badi swiswnw swlwngtwng hwnnanwi Kristoa gaonw swiswnanwi nwngswnw dntilangdwng, jen nwnswrw Bini aganfwrro tabaitwng” (1 Petor 2:21). “Obla bikou manigrafwrni takwi biw jwpnw gwiyi basaijanaini lama jadwng” (Ebraiari 5:9).



Finnai: Be tangnai arw twinaini batra. Sabbat-a Iswrni brwiti hukumni gejerjwng rwikhati arw gwjou kalam jadwng. Gwswjwng sannanwi Ji Hukumfwrni gejerro mwnse hukumkou sifainai fap jayw. Kristianfra Kristoni Sabbat falinaini bidintikou lananwi kusijwng tabaigwn.

16

Dhwrwmni dwidengirifra Sabbatkou engarnaini takwi Iswra mabadi mwnw?

“Bi nwgwrni dourifra angni rodai kanaikou bra bra barsibai ar angni gwtar mungafwrkou sua kalambai, biswrw gwtar ar badua, jebw gubun dwnakwi, ar gwtar ar kalai mabrwi gubun gubun bekou mansifwrnw fwrwngakwi, ar angni Sabbatkou biswrw faliakwi, biswrni nunaiao angw badua jabai ... Binikainw angni bwrpnaikou angw biswrni sayao lunanwi hwdwng” (Esekiel 22:26, 31).

Finnai: Makase dhwrwmni dwidengirifra mwjangwi mitiyini takwi Deobar dinkou gwtarwi lakiw, natai makasefra mitinanwibw bra braywi Iswrni gwtar sankou neusi. Iswrni switw Sabbatkou gaoswrni megonnifrai dwnkwmnanwi, gwbang dhwrwmni dwidengirifra gubunfwrkoubw neusinaiao labwbai. Lakh lakh mansifra be aidayao gwrwnti lamajwng dwiden jabai. Jisua Farisaifwrkou raidwng, manwna biswrw Iswrkou onflanani dntidwng arw biswrw gaoswrni hudafwrnitakwi Iswrni Ayenkou neusigardwng. (Markus 7:7-13).



17

Sabbatkou lakinaia mansifwrkou tarwinw gaoarini jiua nangw nama?

"Nwngswrw angkou onwbla, nwngswrw angni hukumfwrkou manigwn"

(Johon 14:15). "Binikai swrbaya maonanggoukou mitinanwibw maoabla, biha fap jayw" (Jakob 4:17).

"Jaifra Bini Hukumfwrkou faliw, biswrw bwr hwjagra. Biswrha gwtangni bifangni bitaikou jahnw arw langgnafwrjwng nwgwrao hapnw ektiar dong" (Nujahojanai 22:14). "Jwpnaiao Jisua bekou bungbai, "Sabbat-a subungni gahamni takwisw fosong jabai; subunga Sabbatni takwi nonga" (Markus 2:27).

Finnai: Nongou! Sabbat-a lswrnifrai mwnse banta, songsarni mengnainifrai jirainw takwi nwngtangw banainai jadwng. Jaifra lswrkou gwsjwng onnw, biswrw lswrni Sabbat hukmkou wrwinw faligwn. Be nongou batra, je hukmfwrkou mania lasenw onnaia, onai nongubwia **(1 Johon 2:4)**. Jwng gaswibw tirangta lanangou, arw jwng raobw engarnw haya. Mwjang kobora benw je Sabbatkou falinaini takwi saikobla biyw jwbwt bwr hwjagwn!

Sabbat sanao, nwng dai gwiyi udangsini jiukou mwnnw hagwn! Nwngni sanfrwmbw ni kamanifwr, jwrwi kamani maonai arw hataiao thangnaifwrkou engar nanwi, mulugni Swrjigirijwng som lalainai. Gubun fwtaisula arw fwtaisulifwrjwng lswrkou kulumnai, nokorni mansifwrjwng lrgw lalainai, mitingani gejerao tabainai, atmik jiukou fwjounaini takwi fwjounaini lekhaifwrkou forainai, arw gubunfwrkou nainw tahngnai arw jobrafwrkou tulunga hwnai, befwr gaswibw Sabbatkou gwtarwi dwnnaini takwi mwjang rkwmfwr.

Do dinfwrso songsarni kamani maonaini melemari narsintaini frai, lswra Sabbatkou jirainaini takwi banta badi hwdwng arw nwngni atmik adarkou jahnaini takwi som hwdwng. Mobeaw nwngni takwi mwjangsin jagwn, bikou biw mitigou, beni takwi nwng lswrkou bhorsa kalamnw hayw.



18

Nwngtanga Bini Snini Sabbat-dinkou Gwtarwi dwnnanwi lswrkou manhwnw gwsjw jabai na?

Nwngni Finnai:

Nwngni Swnglufwrni Finnaifwr

1. Natai Sabbat-a lhudifwrni takwi lo nama?

Finnai: Nonga. Jisua bungdwng, “Sabbat-a subungni gahamni takwisw fosong jabai” (**Markus 2:27**). Be lhudifwrni takwi lo nonga, natai gaswi subungfwrni takwi- jeraonibw gaswi houa arw hinjaofwrni takwi. Sabbat kou fosong kangnaini 2,500 bwswrni sigang lhudi hadora ujikanga kwimwn.

2. Jisuni selafr Deobar sankou gwtarwi dwnnaini Tonhorjanai 20:7-12 a fwrman nonga nama?

Finnai: Baibelni baidibla, sanfrwmbw sansea san habnainifrai jagaijennw arw noka nainanwi san habnaisim jayw. (**Jagaijennai 1:5, 8, 13, 19, 23, 31; Lebi Bijap 23:32**) arw dinni srangni bahagwa sigang fwigrwyw. Binikainw Sabbat-a Sokrubar san habnainifrai Sunibar san habnaisim jayw. Twnhorjanai 20 balabni jotumnai Sunibar sanni san habnaini unao horni batra, jaikou Baibela Deobar sanni jagaijennai kwmSsini bahagwkou bungdwng. Be Sunibar horni jotumnaimwn, arw biw hor gejersim jadwng. Be jotumnaini unao Paula bidai lananwi gubun jaigayao tangsigwn, arw Paula gwbao somsim beaoni mansifwrjwng lwgw mwnlai nonglia (**25 siri**). Biw bi horaog gwlaog fwsaodwngmwn! (Sopta kungfrwmbwni fwsaonaia be ese gwlaog horseni fwsaonai jadwngmwn.) Paula “noka naiblanw tahngsigwn” (**7 siri**). Sitao bwflenanwi jahnaia beao jebw gwnangti batra nonga, manwna biswrw sanfrwmbw sitao bwflenanwi jahywmwn (**Tonhorjanai 2:46**). Be bwswnao Deobar sana gwtar hwnnaini jebw fwrmainai gwia, eba gibi Kristianfrabw haptani gibi sankou manikayamwn. Beao Sabbat-a swlainainibw jebw fwrman gwia. (Be jotumnaini jataikou Eutukus mungni sase jwhwlaog gwglainanwi twibaimwn arw bini tangkangfinnaini swmwngntao kamanini jahwnni takwisw be bwswnkou hwnai jadwng.) **Esekiel 46:1** ao Iswra Deobar sankou do dinfwrni gejerao “kamani maonaini din hwnnanwi fwrmaidwng.”

3. 1 Korintiari 16:1, 2 –a Sunday School danfwrni swmwndwi bungdwng nama?


Finnai: Nonga. Beao subungharifwr kolumnaini takwi jotumnaini swmwndwi jebw fwrmainai gwia. Beao Rangkou gaoni noao joma kalamnanwi dwnnaini batra bungnai jadwng. Jerusalemao tanai Iswrni mansifwrni madao jaifra haoria, biswrkou hefajab kalamnaini takwi Asia Minor-ni mondlifwrnisim Paula rangni takwi lirlhornai jadwng (**Romari 15:26-28**). Be Kristianfra gaswibw Sunibar Sabbatkou maniwmmwn, Paula biswrkou poramorso hwdwngmwn je Deobar fungao, Sabbat jwbkang nanwi, Iswrni mansifwrni takwi, jaifra haoria, biswrkou hefajab kalamnw, rangkou gaoba gao noao dwntwng, jen biw fwibla tabwinw dihunna hwnw hanai badi. Be gaorini maofung nangou kamani – gubun batra jwng bungjayw, gaoni noao. Beao Deobara gwtar din hwnnanwi fwrmainaini jebw bwswn gwia.

4. Natai Kristoni somnifrai soma gwmabai arw soptani dinfra swlaijabai na?

Finnai: Nonga. Swlwngtaini gagifra arw jarimin lirlgirifra raji jayw je Calendar-a swlaijablabw soptani sni dinfra mablababw swlai jayakwi. Binikainw, je Snini sanao Jisua jiraiwmwn bi dinanw dasimbw tarwinw Snini din!

5. Johon 20:19-a Jisu tangkangfinnai sankou man hwnaini takwi selafr liranwi dwnnaini nonga nama?

Finnai: Nonga. **Johon 20:19** ni somao Jisuni selafr tangkangfinnaikou fwtaitao kwimwn. “lhudifwrkou ginanwisw” biswrw beao jotumdwngmwn. Jebba Jisua biswrni gejerao nujahwidwng, Biw biswrkou raidwng



“manwna tangkangfinnaini unao bikou nunanwibw biswrw fwtaiakwimwn.” (**Markus 16:14**). Beao Deobara gwtar din hwnnanwi jebw fwrmainai gwia. Soptani gibi sanni bisoi Gwdan Rodaiao dain (8) balabfwr lo dong, arw bini gejeraw mwnsebw gwtar san hwnnanwi fwrmainai gwia.

6. **Kolosiari 2:14-17** ao **Snini Sabbat-a Jwbnaini gwia nama?**

Finnai: Mablababw nonga. Be bwswrari, poropni sabbatfwrkou bungnai jadwng “jaifra fwigou bisoifwrni saiklwmmwn” arw be Snini Sabbat nonga. Befwr gwdw –gwdai Israelfwrni sni bwswrari gwtar dinfwr, eba poropfwr dongmwn, jaikou sabbatfwr bungnai jayw (**Lebi Bijap 23 ao naidw**). Befwr “Fwrbuni Sabbatfwrni serao” eba “Snini Sabbat sanao” hwdernai jadwngmwn (**Lebi Bijap 23:38**). Befwrni gahai gumur wngtianw jabai sigangni saiklwm, eba krskou dinti hornai arw krusaonw jwbni. Iswrni Sni Sabbat-a Adom fap maonaini sigangnw fosong jadwngmwn, arw be fapnifrai basai naini takwi sigangni jebw saiklwm janw haya. Beni takwinw **Kolosiari 2** ao faraktikou hwdwng arw thiywi poropni sabbatfwrkou “Saiklwm” bungnai jadwng.

7. **Romari 14:5** ni **baidibla gaoni gwsb badi jebw sankou gwtar dwnnw haya nama?**

Finnai: Beao gwsb hwnnanwi naidw je gaswibw balaba gaojwng gao bisar kalamlainaini bungnai jadwng (**4,10, 13 sirifwr**) “gwnw gwtw bisoifrao” (**1 siri**). Snini Sabbat sanni aida nonga, be Iswrni Ayenni mwnse bahagw, natai lhudifwrni dhwrwmni sanfwr. Ihudi Kristianfra biswrni dhwrwmni dinfwrkou manyiwini takwi gubun jatini Kristianfwrkou bisar kalam dwngmwn. Paula beao bungdwng, “Gaojwng gao bisar dakamlai. Manwna hudani ayena jwbbai.”

Beyao Nwngtangni Bibungti Eba Swnglupwrkwo liranwi Swngdw



01



02



03



04



05



06



07



08



09



10



11



12



13



14

Be Study Guide a 14 fariaoni mwnselo!

Mwnfrwmbw aidaa gwmwtao nwngoutarfwjwng bungfobna dong bifwrw nwngkou arw nwngni nokorkou swlaihgwgn arw oraisomni lagwi jwrnaini mijing hwgn. Be forainiaio dwidengra mwnfrwmbw bijabkou nagarnw nanga!

Study Guide 1: Nwngtanga Fwtainw Hanaini Mabafwr Dongbaow Nama?

Study Guide 2: Iswra Switankou Swrjidwngmwn Nama?

Study Guide 3: Twitar Kabaimwn Binifrai Basaijabai

Study Guide 4: Okhrangao Mwse Nwgrma

Study Guide 5: Khushi Julini Sabifwr

Study Guide 6: Ontaiyao Lirani

Study Guide 7: Jariminiao Gwmanai San

Study Guide 8: Jwbthayao Basaijanai

Study Guide 9: Gwgr & Gwgr

Study Guide 10: Gwtwifra Tarwinw Twitarbai Nama?

Study Guide 11: Switana Nwrwkn Bigwma Nama?

Study Guide 12: 1,000 Bwswni Gwjwnai

Study Guide 13: Iswrni Wrwinw Hwnai Dehani Bitangki

Study Guide 14: Maninaia Ayenbadini Nama?

Jebla nwng sigangni 14 Study Guidesfwrkou fwjwbgwn, obla nwngthanga jwngni advance set-ni takwi lirnanwi bihordw.

Amazing Facts India, Post Box No 51, Banjara Hills, Hyderabad - 500034

Fwrmaiti bilaikwo phwjwbnaini sigang onnanwi be aidakwo phoraiyw. Gaswibw pinnaifwrkow porainai guidao mwnnw hagwn. **Thar pinnaikwo dagi hwdw. (1) ao tanai anjimapwra thar pinnaipwrni onjimakwo dinthiyw.**
Formkwo abung kalamnw takai onnanwi “Adobe Reader” bahaiyo.

1. Jisua (1)

Deobarkou gwtar san dwnnmwn.
 Snini Sabbatkou gwtar dwnnmwn.
 Gubun jebw dinfwrkoubw dwnnmwn.

2. Fwrbuni dina (1)

Deobar, soptani gibi san.
 Sabbat, soptani Snini san.
 Je dinkou jwng Fwrnunw gothaibai.

3. Sabbat-a (1)

Ihudifwrnw lo banainai jadwng.
 Iswrjwng swrjinaiao gaswibw jaigayao thanai
 gaswibw houa arw hinjaofwrni takwi orai somni
 lagwi banainai jadwng.
 Gwjarm Rodaiao thanai mansifwrni takwi lo banainai
 jadwng.

4. Sabbatnifrai Deobaraow swlainaia (1)

Kristo.
 Twnhorjanaifwr.
 Gwrwntiao dwiden janai dwidengirifwr.

5. Iswrni ayenao Sabbatni hukum dongderw, (1)

Be dinwni somao swlia.
 Be mablabbaw swlaia. Be dinwibw swligasenw
 dong.
 Be Kristo twinaijwng jwbbai.

6. Gwdan Rodaini mondliaw swlainai gubun jatifra arw twnhorjanaifra (1)

Deobar sankou gwtarwi faliywmn.
 Nwngw tar mansibla jebw dinkou gwtarwi falijayw.
 Sabbatkou faliywmn.

7. Sabbat-a (1)

Krusao jwbbai.
 Jisuni kebnwi fwifinnaiao jwbgwn.
 Iswrni oraiw jwbnwgiyi rajwao gaswibw
 jugnifrai basai janaifra faligwn.

8. Sabbat-a Iswrni ayenni bahagwbla, Sabbatkou sifainaia (1)

Kristoa twikabaibla jebw sannw gwnang nonglia.
 Gwtar sankou sifainaika fap jayw.
 Be jwngni somao gwnangtar nonga.

9. Jaifra Jisukou tarwinw onnw arw bini unao tabaiw biswrw (1)

Jisu badi, Sabbatkou faligwn.
 Gubun sanfwrkou gwtarwi faligwn.
 Deobarkou gwtarwi faligwn.

10. Sabbat-a (1)

Deobar, soptani gibi san.
 Sunibar, soptani Snini din (Sokrubar hornifrai
 Sunibar horsim).
 Je dinkou jwng Iswrnw gothaiyw.

11. Deobar maninaia (1)

Baibelao bungwrnai raobadi mansifwrni dihunnai.
 Dinwini takwi Iswrni tangki.
 Kristo tangkangfinnaiao jagaijendwng arw
 Pentecostni somao gonaidwng.

12. Sabbat Falinaia (1)

Hukum maninaini nerswn.

lhudifwrni takwi lo gwnangti.

lswrni swrjinai arw basainaini mwnnwi sinfwr.

**13. Ang gwsu kusijwng Jisu badi
Sabbatkou faligwn.**

Nongou.

Nonga.

Arw gaswibw swnglupwrni pinnaikwo hwnw ti kalam!



**Mung tisonnw takai nwngtangni mung, email arw janbung nomborkwo hw.
Nwngtangni unni guidefwrkwo mwnnw takai "Sabmit" ao click kalam**

Nwngni mung :				
Nwngtangni Email :				
Janbung nambar :				
Nwngtangni tong :				
Nwggwr, Jilla :	Raijw :		Hadwr :	
Pin :	Bwisw takw :		Atwn :	

Nwngtangni fwnangjab
fwrmaikwo update kalam: